

С.И.ДОРОГАЙКИНА:

# «ЛОМАТТНЕ ОЦЮ ИНЖИ ЛАЦА УЧЕНДСАЗЬ И ПАРА МЯЛЬСА ЛУВОНДСАЗЬ»



Тядде мокшень кяльса лисенди фяя и тьяка газетась— «Мокшень праедась» васьфтьсы эсь оцю юбилеец, теенза топоди 100 киза! Тя пингста изданиась арась пара ялгак лама мокша ломаненди, конат фалу сёрматфне-сазь сонь и оцю мяльса лувондсазь. Синь ёткстост фякся Мокшэрзянь государственной национальной драматический театраль директороц С.И.ДОРОГАЙКИНА. Ня шитненень улеме Светлана Ивановна ширеса, корхнеме тьянтонань колга, тьяк кизефнезь мялензон-арьсеманзон «Мокшень праедать» квалма, мезь тушенды мялезонза, а мезь, теенза-арам, аф сатни изданиать лопанязон лангса. А ушедоськ корхтаманьконь сонцень театраль работанц эзда.

—Светлана Ивановна, пингсь лия афи фатяат кода, вое ни пцитай ётась 2021 кизоть васенце ялець. Кодамоль сон теенць, мезьса кеняртьфтесть ваьньть, шянь, лия регионцовок удалась улемс?

—Пингсь афкукс лийфть-самазь вишке лишме лаца, бта аньцек исяк васьфтьсеськ Од кизоть, а тьяни ни ульцяса азорондайхть пси шинятне. Кода пингсь аф ащекшини фяя вастса, стане и минь театраньке аф лоткафнесы эсь работанц. Нльне пандемиянь стажа пингстовок старандаме аф явондомс ваньхнень мархта кирдеме мархтост соткть Интернетса-коса. А тядде минь бта эрекламе, валомвалом ушеткшнетяма васетькшнема зрительть мархта сельмоста сельмос. Васенда залоньке пшакоткшневсь 30 процентта, тьяни 50 процентта, куроц, надиятама, ёфси валхтовихть сембе улкис ограничениятне. Тьяни вое ушедсь работатама Емла залоньке. Тьяса эксперимент лаца путф «Эти свободные бабочки» спектакльсь, режиссёрсь А.Анисимов. Аноклави путомс А.Еграновонь «Его донжуанский список» постановкац. Ня кафта спектакльхне няфтевихть рузонь кяльса, но сяльде пут-

саськ синь и мокшекс, и эрзякс. Тяде башка, тьяниень пингть А.Анисимов сявозе А.Островскяень «Не все коту масленица» пьесанц, постановкась кармай мокшень кяльса. Июньцта учендсаськ ширезонк режиссёрть Б.Манджиевонь, сон тьяшти пьеса скульпторть Степан Эрзянь юбилеецты. Постановкацтэ стане жа няйсазь ваьньке.

Кеняртьфти, мес тядде национальной театраль артисттннди удалась няфтемс пряснон лия регионцовок. Улеме Жигулёвск ошса. Няфтьсеськ «Подписаться на любовь», «Саня, Ваня, мархтост Римас» спектакльхнень, а шабатннди—«Молодильные яблоки» ёфксть. Сёксенда тага арьсекшнетяма модемс Самарской области. Улендеме республикань райоттнень эсовок: Лямбирьса, Ромоданова-са, Атяшеваса.

—Тон лама киза ни лувондсац «Мокшень праедась» газетать. Лятфтак, мзярда васенцеда содафтошь изданиать мархта?

—Стака лятфтамс, эста мон нинге шабалень. Газетать сёрматфнезь тядяне-аляне. Синь пяк кельгозь «Мокшень праедать», пара мяльса лувондсозь васенце лопаняста сявомок мекольцети модемс.

Эрзяви азомс, ся пингть велесонк—Краснослободский районь Сире Синдруса, улема, ашель фяявок куд, фяявок семья, коза афоль сувсе мокшень тя изданиась. Ломаттне оцю инжи лаца учендсозь газетать эрь номеронц. Школасовок «Мокшень правдась» най шраньконь лангсоль, лезнесь тейнек, тонафнихненди, урокнень, сядонга пяк партзанятятнень пингста. Эстоньбере газетать мархта аф явондан, лувондса сонь фяя инь мялень салай периодический изданиакс, коста можна содамс и мекольце кулятнень, и мумс эрзявик советт куд пирьфонь и перень төвса, шумбрашинь кемокстамаса, варжакстомс историйати и стак тов. А сёмбода главнайсь—сон лисенди тядянь-алянь кяльса-мокшекс, а родной кяльса сёрматф эрь валнясь эжни седи.

—Мезь сёмбода пяк тушенды мялезот «Мокшень правдаса», кона материалхнень лувондсайть васенцецек?

—Од номерть получамста васендакиге варжакснян газетать официальной отделозонза—васенце лопанятннди. Лувсайть-тисайть тьяса максф информациятнень и содасак сёмботь, мезе тивевсь республикасонк недаяляньберьф. Сяльде пара мяльса морфнесайне мокшень ломаттнень колга зарисовкатнень. Эрть сонцень асувоц, кие стайкодай, кие мазыста морай. Пяк пара, мес «Мокшень правдась» мушенды тьятама мялень салай геройхть. Тушенды мялезон «Кода эрзять и эрзяхть мокшетне» полосась, «Минь семьяньке» рубрикась и, конешна, пеецьк пакшкятнень.

—А мезь, тейть-арам, аф сатни изданиась, улкста башка кодама материалх мяльцель няемс лопанязон лангста?

—Арьсян, улець пара, кда газетаса эвондаль театральнай рубрика, коса макссвольхть информацияц премьратнень колга, азонкшневоль театраль артисттнень квалма и стак тов. Сяда лама, койсон, тьяшнема велень эрзяфть, тоса улкис прябалатнень колга, мезь тьячи пичефтьсыне велеряйхнень. Тьяфата материалх макссвихть газетаса, но эздот, тейне-арам, аф сатомшка.

—Светлана Ивановна, тядде «Мокшень праедати» топоди 100 киза! Мезе арьселеть изданиати, тьяса поккодихненди оцю юбилеец карша?

—Арьсян лисендемс газетати инь кржась нинге сяда киза! Катк касонды газетать морфниензон лувкссна. А журналисттннди—оржа пера и мялень салай геройхть!

—Сюкпря, Светлана Ивановна!

О.ЕВДОКИМОВА.